



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno DCXLIX. ad annum DCLXXVI.

Parisiis, 1644

Vita, Doni Papae.

urn:nbn:de:hbz:466:1-15300

¶ *Subscriptiones.*] Bracarense II. actum fuit æra 610. anno 2. Mironis regis. Tertium vero post elapsos centum & tres annos, æra 713. Verum ex eadem prouincia in aliis Conciliis interfuerunt episcopi: vt Alarius, siue Hilarius, Aurefinæ ecclesiæ, qui successit Sonæ, qui in VIII. Tolet. subscribit. Bela Britaniensis, vel Britoniensis, vt est in Bracarenfi II. qui successit Seruodei, in VIII. Froaricus Portucalensis, qui Flauio, in X. Tolet. Genetius Tudenfis, qui Beato, in VIII. Isidorus Asturicensis, qui Elpidio, in X. Tolet. Ildulfus Felix Iriensis qui Vincibili in VIII. Tolet. Leodecisius Iulianus Bracarenfis, qui Fructuoso, in X. Tolet. Rectogenis Lucensis, qui Hermenfredo, in X. Tolet.

ANNO
CHRISTI
675.

EPISCOPATVS METROPOLIS BRACARENSIS.

<i>In III. Bracarenfi.</i>	<i>In II. Bracarenfi.</i>	<i>In Conc. apud Lucũ.</i>
Bracara.	Bracara.	Luco.
Aurefina.	Egitania.	Astolica.
Tude.	Conimbrica.	Auria.
Astolica.	Viseo.	Britonia.
Iria.	Lameco.	Tude.
Portucale.	Magneto.	Iria.
Britania.		
Luco.		

In codicibus manuscriptis sunt subscriptiones, vt posuimus: vnde corrupte in aliis ponitur Iulianus Hispalensis. Bela Britaniensis est in manuscripto. Est Bela nomen Gothicum, nunc generosæ familiæ Ayale gentile.

V I T A,
D O N I P A P Æ.

¶ **D**ONVS, natione Romanus, ex patre Mauricio, ^b fedit annum vnum, menses quinque, dies decem. Hic atrium beati Petri apostoli superius, * quod est ante ecclesiam in quadriporticũ magnis marmoribus strauit, sed & ecclesiam apostolorum sitam via Ostiensi, vt decuit, restaurauit, atque dedicauit. Itemque ecclesiam sanctæ Euphemie positam via Appia similiter dedicauit. Clerum quoque diuersis ordinibus & honoribus ampliavit. Hic reperit in vrbe Roma, in monasterio quod appellatur Boetianum, Nestorianitas, monachos Syros, quos per diuersa monasteria diuisit. In quo prædicto monasterio monachos Romanos instituit. Huius temporibus ec-

ANNO
CHRISTI
676.
* quod
paradisus
dicitur.

clesia Rauennatum, quæ se ab ecclesia Romana segregauerat causa autocephaliæ, denuo se pristinae sedi apostolicæ subiugauit. Cuius ecclesiæ præful nomine Reparatus e vestigio, vt Deo placuit, vitam finiuit. Hic dum esset electus per Augusti mensẽ, apparuit stella a parte orientis a gallcantu vsque mane per menses tres: cuius radii cælum penetrabant. In cuius visione surgentis omnes prouinciæ & gentes mirabantur*, quæ post in semetipsam reuersa disparuit.* Pro quo capitulo & maximo mors a parte orientis subsecuta est. Fecit autem ordinationem vnã, presbyteros decem, diaconos 5. episcopos per diuersa loco numero sex. Qui etiam sepultus est ad beatum Petrum apostolum sub die III. Idus Aprilis, & cessauit episcopatus menses duos, dies 15.

* quidnã esse possit, * Post eã apparitionem maxima mors a parte orientis subsecuta est.

NOTÆ.

* *Donus.*] Donus, quem alii Domnum, alii Domnionem, alii Cononem siue Cunonem appellant, anno 676. ipsis Kalendis Nouembris creatus est pontifex Romanus: quod cum Theodoro Constantino-politano sedis episcopo Monothelita innotuisset, intermissis quas de sui ordinatione ad eum scripsisse debebat literis synodalibus, misit dumtaxat epistolam hortatoriam, qua petebatur, vt tandem aliquando concordia inter orientalem & occidentalem ecclesiam sanciretur. Constat ex epistola Constantini imperatoris, quam ipse ad Donum transmisit. Quid ad eas pontifex rescripserit, ignoratur.

Donus quãdo pontifex creatus sit.

Hoc tempore Constantinus imperator bellicis curis solutus, pace cum Sarracenis composita, ad pacem ecclesiæ restituendam totum animum adiecit: restiterunt Monothelitarum signiferi Theodorus Constantinopolitanus & Macarius Antiochenus episcopi, qui cum Romanorum pontificum acerrimi hostes & aduersarii essent, inuito imperatore, retento solius Honorii nomine, quasi is cum Monothelitis senserit, Vitaliani aliorumque pontificum Romanorum nomina, (vt videre est act. 8. sextæ Synodi) e sacris diptychis abstulerunt. Quo facto imperator vehementer exagitatus, Theodorum episcopatu deposuit, eique Georgium quemdam subrogauit: atque ad reconciliandam vtramque ecclesiam orientalem & occidentalem, ad Donum papam, Sacram, quæ extat initio actionis sextæ Synodi, imperialem ille quidem direxit; sed cum vita functus esset, antequam Romam afferretur, Agathonem reddita fuit.

Monothelita Vitalianum e sacris diptychis expungunt.

^b *Sedit annum vnum, menses 5. dies 10.*] Ex epistola Constantini imperatoris ad Donum scripta colligitur, ipsum ad aliquot menses amplius sedem propagasse: cum reperiatur data pridie Idus Augusti anni 678. Quæ enim ratio patitur, vt post menses quatuor obitus Romani pontificis imperatorem adhuc latuerit?

Quamdiu sederit.

^c *Apparuit stella.*] De hac stella vide Bedam libro quarto, cap. 12.

